

四庫全書

集部



欽定四庫全書

御定全唐詩卷三百五

陳翊

一作  
調

陳翊字載物閩縣人大厯中登進士第貞元中官戶部  
郎中知制誥詩十卷今存七首

登城樓作

井邑白雲間嚴城遠帶山沙墟陰欲暮郊色淡方閒孤  
徑迴榕岸層巖破枳關寥寥分遠望暫得一開顏



宴柏臺

華臺陳桂席密榭宴清真柏葉猶霜氣桃花似漢津青  
尊照深夕綠綺映芳春欲憶相逢後無言嶺海人

過馬侍中亭

草色照雙扉軒車到客稀苔衣香屐迹花綬少塵飛薄  
望憐池淨開畦愛雨肥相過忘日昃坐待白雲歸

寄邵校書楚萇

愛酒時稱僻高情自不凡向人方白眼違俗有青巖雲



際開三徑烟中挂一帆  
相期同歲晚閒興與松杉

龍池春草

青春光鳳苑細草徧龍池  
曲渚交蘋葉迴塘惹柳枝  
因風初冉冉覆岸欲離離  
色帶金堤靜陰連玉樹移  
日光浮藿靡波影動參差  
豈比生幽遠芳馨衆不知

郊行示友人

水開長鏡引諸壑春洞花深落翠寒  
醉向絲羅鷺自醒  
與君清耳聽松湍



送別蕭二

橘花香覆白蘋洲  
江引輕帆入遠遊  
千里雲天風雨夕  
憶君不敢再登樓

劉復

劉復登大厯進士第官水部員外郎詩十六首

遊仙

稅駕倚扶桑  
逍遙望九州  
二老佐軒轅  
移戈戮蚩尤  
功成棄之去  
乘龍上天遊  
天上見玉皇  
壽與天地休  
俯視



崑崙宮五城十二樓王母何窈眇玉質清且柔揚袂折  
瓊枝一作芳寄我天東頭相思千萬歲大運浩浩悠悠安用  
知吾道日月不能周寄音青鳥翼謝爾碧海流

寺居清晨

高枕對曉月衣巾清且涼露華朝未晞滴瀝含虛光隔  
竹聞汲井開扉見焚香幽心感衰病結念依法王青冥  
早雲飛杳靄一作渺空鳥翔此情皆有釋一作適悠然知所  
忘



出東城

步出

一作步步

東城門獨行已傍徨伊洛汎清流密林含朝

陽芳景雖可矚憂懷在中腸人生幾何時冉冉隨流光  
願得心所親尊酒坐高堂一為浮沈隔會合殊未央雙  
戲水中鳬和鳴自翱翔我無此羽翼安可以比方

經禁城

日沒路且長遊子欲涕零荒城無人路秋草飛寒螢東  
南古丘墟莽蒼馳郊垌黃雲晦斷岸枯井臨崩亭昔人



竟何之窮泉獨冥冥蒼苔沒碑版朽骨無精靈俛仰寄  
世間忽如流波萍金石非汝壽浮生等臊腥不如學神  
仙服食求丹經

出三城留別幕中三判官

翔禽託高柯倦客念主人恩義有所知

一作委

四海同一

身況皆曠

一作廣

大姿翰音見良辰陳規佐武略高視據

要津常願投素誠今果得所申金罍列四座廣廈無氛  
塵留連徂暑中觀望歷數旬河山險以固士卒勇且仁



飭裝去未歸相追越城闌愧無青玉案緘佩永不泯

送劉秀才南歸

一作陳存詩

鳥啼楊柳垂此別千萬里古路入商山春風生灞水停車落日在罷酒離人起蓬戶寄龍沙送歸情詎已

送王

一作汪倫

春江

一作天

日未曛楚客酣送君翩翩孤黃鶴萬里滄洲

雲四方各有志

一作心

豈得常顧羣山連巴湘遠水與荆

吳分清光日修阻

一作阻修

尺素安可論相思寄夢寐瑤草



空氛氲

長相思

長相思在桂林蒼梧山遠瀟湘深秋堂零淚倚金瑟朱  
顏搖落隨光陰長宵嘹唳鴻命侶河漢蒼蒼隔牛女寧  
知一水不可渡況復萬山修且阻綵絲織綺文雙鴛昔  
時贈君君可憐何言一去瓶落井流塵歇滅金爐前

長歌行

淮南木落秋雲飛楚宮商歌今正悲青春白日不與我



當壚舉酒勸君持出門驅馳四方事徒用辛勤不得意  
三山海底無見期百齡世間莫虛棄君不見金城帝業  
漢家有東制諸侯欲長久姦雄竊命風塵昏函谷重關  
不能守龍蛇出沒經兩朝胡虜憑陵大道銷河水東流  
宮闕盡五陵松柏自蕭蕭

春遊曲

春風戲狹斜相見莫愁家細酌蒲桃酒嬌歌玉樹花栽  
衫催白紵迎客走朱車不覺重城暮爭棲柳上鴉



雜曲

寶劍飾文犀當風似切泥逢君感意氣貫酒杜陵西趙  
女顏雖少宛駒齒正齊嬌多不肯別更待夜烏啼

春雨

細雨度深閨鶯愁欲嬾啼如煙飛漠漠似露濕淒淒草  
色行看靡花枝暮欲低曉聽鐘鼓動早送錦障泥

夕次襄邑

何處成吾道經年遠路中客心猶向北河水自歸東古



戍飄殘角疎林振夕風輕舟難載月那與故人同

夏日

映日紗窗深且閑含桃紅日石榴殷銀瓶綆轉桐花井  
沈水煙銷金博山文簾象床嬌倚瑟絲奩銅鏡嬾拈環  
明朝戲去誰相伴年少相逢狹路間

送黃瞻明府岳州湘陰赴任

一作劉  
三復詩

擬占名場第一科龍門十上困風波三年護塞從戎遠  
萬里投荒失意多花縣到時銅墨貴葉舟行處水雲和



遙知布惠蘓民後應向祠堂弔汨羅

禪門寺暮鐘

簷簷高懸于闐鐘黃昏發地殷龍宮遊人憶到嵩山夜  
疊閣連樓滿太空

冷朝陽

冷朝陽金陵人登大厯進士第為薛嵩從事詩十一首  
同張深秀才遊華嚴寺

同遊雲外寺渡水入禪關立埽窗前石坐看池上山有



僧飛錫到留客話松間不是緣名利好來長伴閒

中秋與空上人同宿華嚴寺

埽榻相逢宿論詩舊梵宮磬

一作鐘

聲迎鼓盡月色過山

窮庭簇

一作宿

安禪草窗飛帶火蟲一宵何惜別回首隔

秋風

宿柏巖寺

幽寺在巖中行唯一徑通客吟孤嶠月蟬噪數枝風秋色生苔砌泉聲入梵宮吾師修道處不與世間同



登靈善寺塔

飛閣青霞裏先秋獨早涼  
天花映窗近月桂拂一作簷

香華岳三峯小黃河一帶長  
空聞指歸路煙處有垂楊

瀑布泉

潺湲半空裏霖落石房邊  
風激珠光碎山歌練影偏  
急流難起浪迸沫祇如煙  
自古惟今日淒涼一片泉

冬日逢馮法曹話懷

分襟二年內多少事相干  
禮樂風全變塵埃路漸難  
秋



林新葉落霜月滿庭寒雖喜逢知己他鄉歲又闌

送唐六赴舉

秋色生邊思送君西入關  
草衰空大野葉落露青山  
故國煙霞外新安道路間  
碧霄知己在一作遇香桂月中攀

送遠上人歸京

夏臘歲方深思歸徹曙吟  
未離銷雪院已有過雲心  
寒磬清函谷孤鐘宿華陰  
別京遊舊寺月色似雙林一作霜

別郎上人



過雲尋釋子話別更依依靜室開來久遊人到自稀觸  
風香氣盡隔水磬聲微獨傍孤松立塵中多是非

立春

玉律傳佳節青

一作春

陽應此

一作北

辰土牛呈歲稔綵燕

表年春臘盡星迴次寒餘月建寅風光行

一作何

處好雲

物望中新流水初銷凍潛魚欲振鱗梅花將柳色偏思

越鄉人

送紅線

潞州節度使薛嵩有青衣善彈阮咸琴  
手紋隱起如紅線因以名之一日辭去



朝陽  
為詞

採菱歌怨木蘭舟送客魂銷百尺樓還似洛妃乘霧去

碧天無際水空流

一作東

于尹躬

于尹躬大厯進士元和間為中書舍人左遷洋州刺史

詩一首

南至日太史登臺書雲物

至日行時令登臺約禮文官稱伯趙氏色辨五方雲畫



漏聽初發陽光望漸分司天為歲備持簡出人羣惠愛  
周徵物生靈荷聖君長當有嘉瑞郁郁復紛紛

柳柳一作  
郊

柳柳大厯間進士集一卷今存詩二首

贈別二首

江浦程千里離尊淚數行無論吳與楚俱是客他鄉

何處最悲辛長亭臨古津往來舟楫路前後別一作離

人



句

他鄉生白髮舊國有青山

賊平後送客還鄉見紀事

李子卿

李子卿大厯末與崔損同第詩一首

望終南春雪

山勢抱西秦初年瑞雪頻色搖鶉野霽影落鳳城春  
輝耀銀峰逼晶明玉樹親尚寒由氣勁不夜為光新  
荆岫全疑近崑丘宛合鄰餘輝儻可借迴照讀書人







御定全唐詩卷三百五



欽定四庫全書

御定全唐詩卷三百六

朱灣

朱灣字巨川西蜀人自號滄洲子貞元元和間為李勉  
永平從事詩二卷

九日登青山

昔人惆悵處繫馬又

一作共

登臨舊地煙霞在多時草木

深水將空合色雲與我無心想見

一作緬想

龍山會良辰亦



似今

秋夜宴王郎中宅賦得露中菊

衆芳春競發寒菊露偏滋受氣何曾異開花獨自遲晚

成猶待賞

一作有分

欲採未過時忍棄東籬下看隨秋草衰

一作看他  
迭盛衰

奉使設宴戲擲籠籌

今日陪樽俎良籌復在茲獻酬君有禮賞罰我無私莫  
怪斜相向還將正自持一朝權入手看取令行時



詠雙陸骰子

采采應緣白鑽心不為名掌中猶可重手下莫言輕有  
對唯求敵無私直任爭君看一擲後當取擅場聲

詠壁上酒瓢呈蕭明府

不是難提挈行藏固有期安身未得所開口欲從誰應  
物心無倦當壚柄會持莫將成廢器還有對樽時

詠玉

歌

一作獻

玉屢招疑終朝省復思既哀黃鳥興還復白圭



詩請益先求友將行必擇師誰知不鳴者獨下董生帷

送陳偃賦得白鳥翔翠微

一作賦得白鶴翔翠微送陳偃下第

不知鷗與鶴天畔弄晴暉背日分明見臨川相映微淨

中雲一點回處雪孤飛正好南

一作高

枝住

一作立

翩翩何

所歸

一作依

題段上人院壁畫古松

石上盤古根謂言天生有

一作朽

安知草木性變在畫師

手陰深方丈間直趣幽且閒木紋離披勢搓捽中裂空



心火燒出掃成三寸五寸枝便是一一作千年萬年物莓

苔濃淡色

一作意

不同一面

一作半

死皮生蠹蟲風霜未必

來到此氣色杳在寒山中孤標可玩不可取能使支公道場古

逼寒節寄崔七

崔七湖州崔使君之子

閒庭只是長莓苔三徑曾無車馬來旅館尚愁寒食火  
羈心嬾向不然灰門前下客雖彈鋏溪畔窮魚且曝腮  
他日趨庭應問禮須言陋巷有顏回



長安喜雪

一作陳羽詩

千門萬戶雪花浮  
點點無聲落瓦溝  
全似玉塵消更積  
半成冰片結還流  
光含曉色清天苑  
輕逐微風遶御樓  
平地已霑盈尺潤  
年豐須荷富人侯

宴楊駙馬山亭

一作陳羽詩

垂楊拂岸草茸茸  
繡戶窗前花影重  
鱸下玉盤紅縷細  
酒開金甕綠醅濃  
中朝駙馬何平叔  
南國詞人陸士龍  
落日泛舟同醉處  
回潭百丈映千峰



過宣上人湖上蘭若

十年湖上結幽期，偏向東林遇遠師。  
未道姓名童子識，不酬言語上人知。  
閒花落日滋苔徑，細雨和煙著柳枝。  
問我別來何所得，解將無事當無爲。

同達奚宰遊竇子明仙壇

一作同張明府遊仙臺

松檜陰深一徑微，中峰石室到人稀。  
仙官不住青山在，故老相傳白日飛。  
華表問裁何歲木，片雲留著去時衣。  
今朝茂宰尋真處，暫駐雙鳬且莫歸。



平陵寓居再逢寒食

幾迴江上泣途窮每遇良辰歎轉蓬  
火燄知從新節變  
灰心還與故人同莫聽黃鳥愁啼處  
自有花開久一作向

客中貧病固應無撓事但將懷抱醉春風

尋隱者韋九山人於東溪草堂

尋一作窮得仙源訪隱淪漸來深處漸無塵  
初行竹裏唯

通馬直到花間始見人四面雲山誰作主  
數家煙火自

為鄰路傍樵客何須問朝市如今不是秦



假攝池州留別東溪隱居

一官仍是假，豈願數離羣。  
愁鬢看如雪，浮名認是雲。  
暫辭南國隱，莫勒北山文。  
今後松溪月，還應夢見君。

詠柏板

赴節心長在，從繩道可

一作自

觀須知片木用，莫向

一作作

散材看空為歌，偏苦仍愁和。  
即難既能親掌握，願得接  
同歡。

筇柱子



散木今何幸

一作良工不棄捐

力微慙一柱材薄仰

一作

命

羣弦且喜聲相應寧辭跡屢遷知音如見賞雅調為

君傳

送李司直歸浙東幕兼寄鮑行

一作參

軍持節大

夫初拜東平郡王

一作朱長文詩

翩翩書記早曾聞二十年來願見君今日相逢悲白髮

同時幾許在青雲久從北固山邊

一作前

去水到西陵

一作

谿

渡口分會

一作曾

作王門曳裾客為余前謝鮑參軍



七賢廟

常慕晉高士放心日沈冥湛然對一壺土木為我形下  
馬訪陳迹披榛詣荒庭相看兩不言猶謂醉未醒長嘯  
或可擬幽琴難再聽同心不共世空見薜門青

同清江師月夜聽堅正二上人為懷州轉法華  
經歌

若耶谿畔雲門僧夜閒燕坐聽真乘蓮花祕偈藥草喻  
二師身住口不住鑿井求泉會到源閉門避火終迷路



前心後心皆此心梵音妙音柔軟音清冷霜磬有時動  
寂歷空堂宜夜深向來不寐何所事一念纔生百慮息  
風翻亂葉林有聲雪映閒庭月無色玄關密跡難可思  
醒人悟兮醉人疑衣中繫寶覺者誰臨川內史字得之

寒城晚角

滑州作

高臺高高畫角雄五更初發寒城中寒城北臨大河水  
淇門賊烽隔岸是長風送過黎陽川我軍氣雄賊心死  
羈人此夜寐不成萬里邊情枕上生乍似隴頭戍寒泉




幽咽流不住又如巴江頭啼猿帶雨斷續愁忽憶嫖姚  
北征伐空山宿兵寒對月一聲老將起三奏行人發冀  
馬為之嘶朔雲為之結二十年來天下兵到處不曾無  
此聲洛陽陌長安路角聲朝朝兼暮一作暮平居聞之  
尚難度何況天山征戍兒雲中下營雪裏吹

重陽日陪韋卿讌

何必龍山好南亭賞不睽清規陳侯事雅興謝公題  
座青峰近當軒遠樹齊仙家自有月莫歎夕陽西





御定全唐詩卷三百六



# 欽定四庫全書

集部

御定全唐詩卷三百  
七至  
十二

詳校官庶吉士臣胡鈺

主事銜臣徐以坤履勘

總校官知縣臣繆琪

校對官中書臣高 中

謄錄監生臣祝櫓良



欽定四庫全書

御定全唐詩卷三百七

丘丹

丘丹蘄州嘉興人諸暨令歷尚書郎隱臨平山與韋應物鮑防呂渭諸牧守往還存詩十一首

憶長安

四月

憶長安四月時南郊萬乘旌旗嘗酌玉卮更獻含桃絲



籠交馳芳草落花無限金張許史相隨

狀江南

季冬

江南季冬月紅蟹大如觥湖水龍為鏡爐峰氣作煙

和韋使君秋夜見寄

露滴梧葉鳴秋風桂花發中有學仙侶吹簫弄山月

奉酬韋蘓州使君

久作煙霞侶暫將簪組親還同褚伯玉入館忝州人

一作



民

和韋使君聽

一作臨

江笛送陳侍御

一作陸侍郎

離樽聞夜笛寥亮入寒城月落車馬散悽惻主人情

奉酬韋使君送歸山之作

側聞郡守至偶乘黃犢出不別桃源

一作園

人一見經累

日蟬鳴念秋稼蘭酌動離悲臨水降麾幢野艇纔容膝  
參差碧山路目送江帆疾涉海得驪珠棲梧慚鳳質媿  
非鄭公里歸掃蒙龍室



奉酬重送歸山

賣藥有時至自知來往疎遽辭池上酌新得山中書步  
出芙蓉府歸乘轂轅車猥蒙招隱作豈愧班生廬

經湛長史草堂

一作題湛長史  
舊居有序

無錫縣西郊七里有慧山寺即宋司徒右長史湛  
茂之之別墅也舊名厯山故南平王劉鐔有過湛  
長史厯山草堂詩湛有酬和其文野而興特以松  
石自怡逍遙沈寂終見止足之意可謂當時高賢



矣至齊竟陵王友江淹亦有繼作余登茲山以覩  
三篇列於石壁仰覽遺韻移若清風遽訪湛氏胄  
裔山下猶有一二十族得十三代孫略觀其譜書  
牋墨塵蠹年世雖邈瑩壠尚存余披宋史畧不見  
其人心每惻歎悲夫斯人也而史闕書然有其一  
篇則為不朽矣因復追緝六韻以次三賢之末時  
有釋若冰者踪跡茲山修念之餘鑿嵌注壑醺入  
諸界無非金碧鉢帽之資悉償工費是以道友邑



僚風翫嘉賞嗚呼得非茂之之緣果而陰隲於上人不然者何竭慮之至耶余聖唐山令臣也屏居臨平山野亦有年矣嘗諷茂之篇句云衰廢歸丘樊歲寒見松柏不覺禪意超散若在廬霍之間矣異時同歸猶茂之之不忘也嗟乎湛君用刊巖石徯俟後世之知我者得不繼之乎貞元六年歲在庚午檢校尚書戶部員外郎兼侍御史丘丹誌身退謝名累道存嘉止足設醴降華幡挂冠守空谷偶



尋野外寺仰慕賢者躅不見昔簪裾猶有舊松竹煙霞  
雖異世風韻如在矚余即江海上一作人歸轍青山曲

蕭山祇園寺

東晉許徵君西方彥上人生時猶定見悟後了前因

一本

無此四句

靈塔多年古高僧苦行頻碑存纔記日藤老豈知

春車

一作散

騎歸蕭蒼雲林識許詢千秋不相見悟定是

吾身

奉使過石門觀瀑

有序



謝康樂宋景平中爲永嘉守有宿石門巖上詩余  
六代叔祖梁中書侍郎天監中有過石門瀑布詩  
後亦爲此郡小子大歷中奉使竊有繼作雖不足  
克紹祖德追踪昔賢蓋造奇懷感之志也

溪上望懸泉耿耿雲中見披榛上巖岫峭壁正東面千  
仞瀉聯珠一潭噴飛霞嵯嶇滿山響坐覺炎氛變照日  
類虹霓從風似綃練靈奇既天造惜處窮海甸吾祖昔  
登臨謝公亦遊行王程懼淹泊下磴空延眷千里雷尚



聞巒迴樹葱蒨此來共賤役探討愧前彥永欲洗塵纓  
終當愜此願

秋夕宿石門館

暝從石門宿搖落四巖空潭月漾山足天河瀉澗中杉  
松寒似雨猿鳥夕驚風獨卧不成寢蒼然想謝公

賈弇

賈弇長樂人登大厯進士第為校書郎詩一首

狀江南



孟夏

江南孟夏天  
慈竹笋如編  
蜃氣為樓閣  
蛙聲作管弦

沈仲昌

沈仲昌臨汝人  
登天寶九年進士第詩一首

狀江南

仲秋

江南仲秋天  
鱣鼻大如船  
雷是樟亭浪  
苔為界石錢

謝良輔



謝良輔天寶十一年進士第德宗時商州刺史詩四首

憶長安

正月

憶長安正月時和風喜氣相隨獻壽彤庭萬國燒燈青  
玉五枝終南往往殘雪渭水處處流澌

十二月

憶長安臘月時溫泉彩仗新移瑞氣遙迎鳳輦日光先  
暖龍池取酒蝦蟇陵下家家守歲傳卮



狀江南

仲春

江南仲春天細雨色如煙絲

一作疎

為武昌柳布作石門

泉

孟冬

江南孟冬天荻穗軟如綿綠絹芭蕉裂黃金橘柚懸

鮑防

鮑防字子慎襄陽人天寶末進士第歷福建江西觀察



使貞元中累禮部侍郎遷工部尚書致仕防善屬文尤  
工詩與中書舍人謝良弼友善時號鮑謝詩八首

憶長安

二月

憶長安二月時玄鳥初至禡祠百囀宮鶯繡羽千條御  
柳黃絲更有曲江一作池勝地此來寒食佳期

狀江南

孟春



江南孟春天  
荇葉大如錢  
白雲裝梅樹  
青袍似葑田

雜感

漢家海內承平久  
萬國戎王皆稽首  
天馬常銜苜蓿花  
胡人歲獻葡萄酒  
五月荔枝初破顏  
朝離象郡夕函關  
鴈飛不到桂陽嶺  
馬走先過一作從林邑  
山甘泉御果垂

仙閣日暮無人香  
自落遠物皆重近  
皆輕雞雖有德不  
如鶴

送薛補闕入朝

一作鮑  
溶詩



平原門下十餘人獨受恩多未殺身每歎陸家兄弟少

更憐楊氏子孫貧柴門豈

一作已

斷施行馬魯酒那堪

一作

能

醉近臣賴有軍中遺令在猶將談笑對

一作靜

風塵

人日陪宣州范中丞傳正與范侍御傳真

一作貞

宴東峰亭

一作鮑溶詩

人日春風綻早梅謝家兄弟看花來吳姬對酒歌千曲

秦女留人酒百杯絲柳向空輕

一作初

婉轉玉山看日漸

寒回流光易去懽難得莫厭頻頻上此臺



上巳寄

一作呈下有浙東二字

孟中丞

一作鮑溶詩

世間禊事風流處  
鏡裏雲山若畫屏  
今日會稽王內史  
好將賓客醉蘭亭

秋暮憶中秋夜與王璠侍御賞月因愴遠離聊

以奉寄

見鮑溶集作寄王璠侍御

前月月明夜美人同遠

一作清

光清

一作音

塵一以間今夕

坐相忘

一作望

風落芙蓉露疑

一作疑

餘繡被香

元日早朝行

見鮑溶集旌旗以下缺三字下有斷爾春風前直如朱繩非爾妍二



句師曠以

下句俱無

乾元發生春為宗盛德在木

一作天

斗建東東方歲星大

明宮南山喜氣搖晴空望雲五等舞萬玉獻壽一聲出

千峰文昌隨

一作垂

彩禮樂正太平

一作白

下直旌旗紅師

曠應律調黃鍾王良運策調時龍玄冥無事歸朔土青

帝放身入朱宮九韶九變五聲裏四方四友一身中天

何言哉樂無窮廣成彭祖為三公野臣潛隨擊壤老日

下鼓腹歌可封



杜奕

杜奕貞元時人詩一首

憶長安

憶長安三月時上苑遍是花枝青門幾場送客曲水竟

一作  
競

日題詩駿馬金鞭

一作  
鞍

無數良辰美景追隨

鄭槩

鄭槩貞元時人詩二首

憶長安



六月

憶長安六月時風臺水榭

一作閣

逶迤朱果雕籠香透分

明紫禁寒隨塵鷺九衢客散赭珂

一作汗

滴漑青驪

狀江南

孟秋

江南孟秋天稻花白如氈素腕慙新藕殘妝妒晚蓮

一作

煙

陳元初



陳元初

元一作允

校書郎居麻源僧靈一有送元初卜居麻

源詩詩一首

憶長安

七月

憶長安七月時槐花點散

一作散點

呆愚七夕針樓競出中

元香供初移繡轂金鞍無限遊人處處歸遲

一作隨

呂渭

呂渭字君載河中人第進士為浙西支使後貶歙州司



馬貞元中累遷禮部侍郎出為潭州刺史詩五首

憶長安

八月

憶長安八月時闕下天高舊儀衣冠共頌金鏡犀象對  
舞丹墀更愛終南灞上可憐秋草碧滋

狀江南

仲冬

江南仲冬天紫蔗節如鞭海將鹽作雪山用火耕田



貞元十一年知貢舉撓閣

一作問

不能定去留寄

詩前主司

獨坐貢闈裏愁多芳草生仙翁昨日事應見此時情

皇帝移晦日為中和節

一作王季友詩誤

皇心不向晦改節號中和淑氣同風景嘉名別詠詩滿  
裙移舊俗賜尺下新科厯象千年正醑醕四海多花隨  
春令發鴻一作鳥度歲陽過天地齊休慶歡聲欲溢波

經湛長史草堂



巖居舊風景人世今成昔木落古山空猿啼秋月白誰  
同西府僚幾謝南平客摧殘松桂老蕭散煙雲夕跡留  
異代遠境入空門寂惟有草堂僧陳詩在石壁

范燈

范燈貞元時人詩二首

憶長安

九月

憶長安九月時登高望見昆池上苑初開露菊芳林正



獻霜梨更想千門萬戶自明砧杵參差

狀江南

季夏

江南季夏天身熱汗如泉蚊蚋成雷澤袈裟作水田

樊珣

樊珣貞元時人詩二首

憶長安

十月



憶長安十月時華清士馬相馳萬國來朝漢闕五陵共  
獵秦祠晝夜歌鐘不歇山河四塞京師

狀江南

仲夏

江南仲夏天時雨下如川盧橘垂金彈甘蕉吐白蓮

劉蕃

劉蕃登天寶六年進士第詩二首

憶長安



十一月

憶長安子月時千官賀至丹墀御苑雪開瓊樹龍堂冰  
作瑤池獸炭氈爐正好貂裘狐白相宜

狀江南

李秋

江南李秋天栗熟一作實大如拳楓葉紅霞舉蒼蘆一作蘆花

白浪川一作穿

御定全唐詩卷三百七



欽定四庫全書

御定全唐詩卷三百八

張志和

張志和字子同婺州金華人年十六舉明經肅宗時待  
詔翰林後不復仕進居江湖自稱煙波釣叟詩九首

太寥歌

化元靈哉碧虛清哉紅霞明哉冥哉茫哉惟化之工無  
彊哉



空洞歌

無自而然自然之元無造而化造化之端廓然愍然其  
形團圞反爾之視絕爾之思可以觀

漁父歌

西吳記云湖州磁湖鎮道士磯即志和  
所謂西塞山前也志和有漁父詞刺史

顏真卿與陸鴻漸徐  
士衡李成矩倡和

西塞山前白鷺飛桃花流水鱖魚肥青箬笠綠簑衣斜  
風細雨不須歸

釣臺漁父褐為裘兩兩三三舴艋舟能縱櫂慣乘流長



江白浪不曾憂

雪谿灣裏釣漁翁  
舴艋為家西復東  
江上雪浦邊風笑  
著荷衣不歎窮

松江蟹舍主人歡  
菰飯蓴羹亦共餐  
楓一作梧葉落荻花

乾醉宿漁舟不覺寒

青草湖中月正圓  
巴陵漁父櫂歌連  
釣車子櫂頭船樂  
在風波不用仙

上巳日憶江南禊事



黃河西繞郡城流上已應無袂遊為憶淶江春水色  
更隨宵夢向吳洲

漁父

八月九月蘆花飛南谿老人垂釣歸秋山入簾翠滴滴  
野艇倚檻雲依依却把漁竿尋小徑閒梳鶴髮對斜暉  
翻嫌四皓曾多事出為儲皇定是非

張松齡

張松齡志和兄也詩一首



和答弟志和漁父歌

松齡懼志和放浪不返為築室越州東郭和其詞以

招之

樂是

一作在

風波釣是閒草堂松徑已勝攀太湖水洞庭

山狂風浪起且須還

陸羽

陸羽字鴻漸撰茶經三卷或云自太子文學徙太常寺  
太祝不就詩二首

歌

太和中復州有一老僧云是陸弟子常諷此歌



不羨黃金壘不羨白玉杯不羨朝入省不羨暮入臺惟  
羨西江水曾向金陵城下來

會稽東小山

月色寒潮入剡溪青猿叫斷綠林西昔人已逐東流去  
空見年年江草齊

句

辟彊舊林間怪石紛相向

詭月辟彊園  
見紀事

絕澗方險尋

亂巖亦危造

見海錄  
碎事

瀉從千仞石寄逐九江船

題康  
王谷



泉見  
統志



御定全唐詩卷三百八



欽定四庫全書

御定全唐詩卷三百九

郭鄖

郭鄖毘陵人大厯貞元間詩人詩一首

寒食寄李補闕

蘭陵士女滿晴川郊外紛紛拜古埏萬井閭閻皆禁火  
九原松柏自生煙人間後事悲前事鏡裡今年老去年  
介子終知祿不及王孫誰有一相憐



韋同則

韋同則建中時詩人詩一首

仲月賞花

梅花似雪柳含煙  
南地風光臘月前  
把酒且須拚却醉  
風流何必待歌筵

李夷簡

李夷簡字易之貞元初登進士第累遷殿中侍御史元和時拜御史中丞歷山南節度尋拜御史大夫進門下



侍郎同平章事詩一首

西亭暇日書懷十二韻獻上

一本有武相公亭元衡三字

衡鎮蜀時構

勝賞不在遠憮然念玄

冥一作

搜茲亭有殊致經始富人

侯澄澹分沼沚縈迴間林丘荷香奪芳麝石溜當鳴球  
撫俗來康濟經邦去咨謀寬明洽時論惠愛聞毗謳代  
斲豈容易守成獲優游文翁舊學校子產昔田疇琬琰  
富佳什池臺想舊遊誰言矜改作曾是日增修憲省泰



陪屬岷峨嗣徽猷提攜當有路勿使滯刀州

李約

李約字存博汧公勉之子自稱蕭齋官兵部員外郎詩

十首

城南訪裴氏昆季

相思起中夜夙駕訪柴荆早霧桑柘隱曉光溪澗明村  
蹊蒿棘間往往斷新耕貧野煙火微晝無烏鳶聲田頭  
逢餉人道君南山行南山千里峰盡是相思情野老無



拜揖村童多髡形相呼看車馬顏色喜相驚  
荒園鷄豚樂雨牆禾莠生欲君知我來壁上空書名

歲日感懷

曙氣變東風蟾壺夜漏窮新春幾人老舊歷四時空  
身賤悲添歲家貧喜過冬稱觴惟有感歡慶在兒童

從軍行三首

看圖閒教陣畫地靜論邊烏壘天西戍鷹姿塞上川  
路

長唯一

一作

算月

一作

書遠每題年無復生還望翻思未



別前

柵壕

一作高

三面關箭盡舉烽頻營柳和煙暮關榆帶雪

春邊城多老將磧路少歸人殺

一作點

盡金

一作三

河卒年

年添塞塵

候火起雕城塵沙擁戰聲遊軍藏漢幟降騎說蕃情霜

落

一作降

淖泥

一作流池

淺秋深太白明嫫姚方虎視不覺

一作

學說添兵

贈韋況



我有心中事不與韋三說  
秋夜洛陽城明月照張八

觀祈雨

桑條無葉土生煙  
簫管迎龍水廟前  
朱門幾處看歌舞  
猶恐春陰咽管弦

江南春

池塘春暖水紋開  
堤柳垂絲間野梅  
江上年年芳意早  
蓬瀛春色逐潮來

過華清宮



君王遊樂萬機輕一曲霓裳四海兵玉輦升天人已盡  
故宮猶有樹長生

病中宿宜陽館聞雨

難眠夏夜抵秋賒簾幔深垂窗燭斜風吹桐竹更無雨  
白髮病人心到家

御定全唐詩卷三百九



欽定四庫全書

御定全唐詩卷三百十

于鵠

于鵠大厯貞元間詩人也隱居漢陽嘗為諸府從事詩

一卷

江南曲

偶

一作間

向江邊採白蘋還隨女伴賽江神衆中不敢

一作

得

分明語暗擲金錢卜遠人



山中寄樊僕射

一作寄襄陽樊司空

却憶東溪日同年事魯

一作同袍並學

儒僧房間共宿酒肆醉

相扶天畔

一作江上

雙旌賈山中病客孤無謀

一作媒

還有計

春谷種桑榆

題宇文裒

一作聚

山寺讀書院

讀書林下寺不出動經年草

一作書

閣連

一作通

僧院山廚

共石泉雲

一作雪

庭

一作亭

無履跡龕壁有燈煙年少今頭

白刪詩到幾篇



贈蘭若僧

一身禪誦苦灑掃古花宮  
靜室門常閉深蘿月不通  
懸燈喬木上鳴磬亂幡中  
附入高僧傳長稱二遠公

題鄰居

僻巷鄰家少茅簷喜竝居  
蒸梨常共竈澆薤亦同渠  
傳屐朝尋藥分燈夜讀書  
雖然在城市還得似樵漁

山中自述

三十無名客空山獨卧秋  
病多知藥性年長信人愁  
螢



影竹窗下松聲茅屋頭近來心更靜不夢世間遊

山中寄韋鉦一作証

嬾成身病日一作似病因醉卧多時送客出谿少讀書終卷

遲幽窗聞墜葉一作露晴一作秋景見遊絲早晚來收藥門

前有紫芝

南谿書齋

茅屋往來久山深不置門草生垂井口花落擁籬根入  
院將鷓鴣鳥尋羅抱子猿曾逢異人說風景似桃源



夜會李太守宅

一作宿太  
守李公宅

郡齋常夜埽

一作  
靜

不卧獨吟詩把燭近幽客升堂戴接

羅微風吹凍葉餘

一作  
殘

雪落寒枝明日逢山伴須令隱

者知

題栢

一作  
北

臺山僧

上方唯一室禪定對山

一作  
金

容行道臨孤壁持齋聽遠

鐘枯藤離舊樹朽石落高

一作  
危

峰不向雲間

一作  
中

見還

一作  
唯

應夢裏逢



寄續尊師

得道任髮白亦

一作每

逢城市遊新經天上取稀

一作靈

藥

洞中收春木帶枯葉新蒲生漫流年年望靈鶴常在此

山頭

題南峰

一作終南

褚道士

一作尊師

得道南山

一作終南

久曾教四皓碁閑

一作閑

門醫病鶴倒簍

養神龜松際風長在泉中草不衰誰知茅屋裏有路向

峨嵋



贈不食姑

不食非關藥天生是女仙  
見人還起拜留伴亦開田  
無

窟

一作屋

尋溪宿蕪衣掃葉眠  
不知何代女猶帶剪刀錢

送李明府歸別業

寄家丹水邊歸去種春田  
白髮無知已空山又一年  
鹿

裘長酒氣茅屋有茶煙  
亦擬辭人世何溪有瀑泉

題樹下禪師

一作僧

久行多不定樹下是禪牀  
寂寂心

一作身

無住年年日自



長蟲蛇同宿

一作在

礧草木共經霜已見南人說天台有

舊

一作上

房

宿王尊師隱居

夜愛雲林好寒天月裏行青牛眠樹影白犬吠猿聲一

磬山

一作上

院靜千燈谿路明從來此峰客幾箇得長生

題服柏先生

服柏不飛鍊閑眠閑草堂有泉唯

一作誰

盥漱留火為焚

香新雨閒門靜孤松滿院涼仍聞枕中術曾

一作親

授漢



淮王

哭凌霄山光上人

身沒碧峰裏，門人改葬期。  
買山尋主遠，壘塔化人遲。  
鬼火穿一作燒空院，秋螢入素帷。  
黃昏溪路上，聞哭竺乾師。

途中寄楊涉一作陟

蕭蕭蘆荻晚一作葉，一逕入荒陂。  
日色雲收一作輕處，蛙聲

雨歇時。前村見來久，羸馬自行遲。  
聞作王門客，應閒一作

寒白接離



送韋判官歸薊門

桑乾歸路遠聞說亦愁人有雪常經夏無花空到春下

營雲外火收

一作牧

馬月中塵白首從戎客青衫

一作袍

未

離身

出塞

一本有曲字

葱嶺秋塵起全

一作收

軍取月支山川引行陣蕃漢列旌

旗轉戰疲兵少孤城外救遲邊人逢聖代不見偃戈時

微雪軍將

一作將軍

出吹笳天未明觀兵登古戍斬將對雙



旌分陣膽山勢潛兵

一作軍

制馬鳴如今青

一作新

史上已

有滅胡名

單于驕愛獵放火到軍城乘

一作待

月調新馬

一作弩

防秋

置遠營空山朱戟影寒磧鐵衣聲度水逢

一作逢著降

胡說

沙陰有伏兵

贈李太守

幾年為郡

一作太

守家似布衣貧沽酒迎幽客無金與近

臣擣茶書院靜講易藥堂春歸闕功成後隨車有野人



送張司直入單于

一作送客遊邊

若過

一作到

并州北誰人不憶家塞深無伴侶

一作去伴

路盡

有平沙磧冷唯逢鴈天春不見花莫隨征

一作邊

將意垂

老事輕車

惜花

夜來花欲盡始

一作偏

惜兩三枝早起尋稀處閒眠記落

時藥焦蜂自散蒂折蝶還移

一作稀

攀著殷勤別明年更

有期



春山居

獨來多任性惟與白雲期  
深處花開盡遲眠人不知  
水流山暗處風起月明時  
望見南峰近年年嬾更移

遊瀑泉寺

日夕尋未遍古木寺高低  
粉壁猶遮嶺朱樓尚隔溪  
厨窗通澗鼠殿跡立山鷄  
更有無人處明朝獨向西

送宮人入道歸山

十歲

一作五

吹簫入漢宮看修水殿種芙蓉  
自傷白髮辭



金屋許著黃衣

一作喜戴黃冠

向玉

一作雪

峰解語老猿開曉戶

學飛雛

一作引雛飛

鶴落

一作下

高松定知別後宮中伴應聽

緱山半夜鐘

巴女謠

巴女騎牛唱竹枝藕絲菱葉傍江時不愁日暮還家錯  
記得芭蕉出槿籬

公子行

少年初拜大長秋半醉垂鞭見列侯馬上抱鷄三市闕



袖中攜劍五陵遊，玉簫金管迎歸院。錦袖紅妝擁上樓。

更向院西

一作東

新買宅月波

一作碧波  
一作月波

春水入門流

### 長安遊

久卧長安春復秋，五侯長樂客長愁。繡簾朱轂逢花住，  
錦幘銀珂觸雨遊。何處少年吹玉笛，誰家鸚鵡語紅樓。  
年年只是看他貴，不及南山任白頭。

### 別齊太守

花裏南樓春夜寒，還如玉屋上天壇。歸山不道無明月，



誰共一作肯相從到曉看

登古城

獨上閒城却下遲  
秋山慘慘塚累累  
當時還有登城者  
荒草如今知是誰

哭劉夫子

近問南州客云亡  
已數春痛心曾受業  
追服恨無親孀婦  
歸鄉里書齋屬四鄰  
不知經亂後奠祭有何人

醉後寄山中友人



昨日山家春酒濃  
野人相勸久從容  
獨憶卸冠眠細草  
不知誰送出深松  
都忘醉後逢康度  
不省歸時見魯恭  
知己尚嫌身酩酊  
路人應恐笑龍鍾

溫泉僧房

雲裏前朝寺  
修行獨幾年  
山村無施食  
盥漱亦安禪  
古塔巢溪鳥  
深房閉谷泉  
自言曾一作僧入室  
知處梵王天

題美人

秦女窺人不解羞  
攀花趁蝶出牆頭  
胸前空帶宜男草



嫁得蕭郎愛遠遊

尋李暹

任性常多出人來得見稀市樓逢酒住野寺送僧歸簷  
下懸秋葉籬頭曬褐衣門前南北路誰肯入柴扉

尋李逸人舊居

舊隱松林下衝泉入兩涯

一作崖

琴書隨弟子鷄犬在鄰

家茅屋長黃菌槿籬生白花幽墳無處訪恐是入煙霞

贈碧玉



新繡籠帟豈翫花路人笑上返金車霓裳禁曲無人解  
暗問梨園弟子家

舟中月明夜聞笛

浦裏移舟候信風蘆花漠漠夜江空更深何處人吹笛

疑是孤

一作龍

吟寒水中

送遷客二首

得罪誰人送來時不到家白頭無侍子多病向天涯莽  
蒼凌江水黃昏見塞花如今賈誼賦不漫說長沙



流人何處去萬里向江州孤驛瘴煙重行人巴草秋上  
帆南去遠送鴈北看愁遍問炎方客無人得白頭

贈王道者

一作贈  
隱者

去尋長

一作多

不出

一作在  
一作見

門似絕人行牀下石苔滿屋

頭秋草生學琴寒月

一作冬  
一作日

短寫易晚

一作曉

窗明唯到

一作

有黃昏後溪中聞磬聲

題合溪乾洞

又見劉商集題  
作題潘師房

渡水傍山尋絕壁白雲飛處洞天開仙人來往行無跡



石徑春風長綠苔

過張老園林

一作村園

身老無修飾頭巾用白紗開門朝掃徑輦

一作漣

水夜澆

花藥氣聞深巷桐陰到數家不愁還酒債腰下有丹砂

寓意

一作荆南陪楚尚書惜落花一作襄陽席上看花時因小蠻作

自小

一作老大

看花長

一作情一作猶

不足江邊尋得數株

一作沿江正遇

枝紅黃昏人散東

一作春

風起

一作日斜人散東風起

吹落

一作向誰

家明月中



哭王都護

老將明王識臨終拜上公告哀鄉路遠助葬

一作戰

戍城

空素幔朱門裏銘旌秋巷中史官如不濫獨傳說英雄

餞司農宋卿立太尉碑了還江東

追立新碑日憐君苦一身遠移深澗石助立故鄉人草  
色荒墳綠松陰古殿春平生心已遂歸去得垂綸

送唐大夫讓節

一本有度使二字

歸山

一作送唐中丞入道

年老功成

一作臣

乞罷兵玉階匍匐進雙旌朱門駕瓦為



仙觀白領狐裘出帝城侍女

一作婢

休梳官樣髻蕃

一作闌

童新改道家名到時浸髮春泉裏猶夢紅

一作江

樓簫管

聲

### 買山吟

買得幽山

一作居

屬漢陽槿籬疎處種枕榔唯有獼猴來

往熟弄人拋果滿書堂

### 古詞三首

素絲帶金地窗間掬飛塵偷得鳳凰釵門前乞行人



新長青絲髮啞啞言語點隨人敲銅鏡街頭救明月  
東家新長兒與妾同時生竝長兩心熟到大相呼名

秦越人洞中詠

扁鵲得仙處傳是西南峰年年山下人長見騎白龍洞

門黑無底日夜唯雷風清齋將入時戴星

一作花

蕪抱松

石徑陰且寒地響知

一作如

遠鐘似行山林外聞葉履

一作作

展聲重低礙更俯身漸遠晝夜同時時白蝙蝠飛入茅

衣中行久路轉窄靜聞水淙淙但願逢一人自得朝天



宮

宿西山修下元齋詠

幽人在何處松檜深冥冥西峰望紫雲知處

一作有

安期

生沐浴溪水暖新衣禮仙名脫屐

一作履

入靜堂遠像隨

禮行碧紗籠寒燈長幡綴金鈴林下聽法人起坐

一作踐

枯葉聲啓奏修律儀天曙山鳥鳴分行布管茅列坐滿

中庭持齋候撞鐘玉函散寶經焚香開卷時照耀金室

明投簡石洞深稱過

一作遇

上帝靈學道能苦心自古無



不成

過凌霄洞天謁張先生祠

戢戢

一作落落萬

峰裏一峰獨凌天下看如

一作知

尖高

上有十里泉志

一作至

人愛幽深一住五十

一作十五

年懸牘

一作犢

到其上乘牛耕藥田衣食不下求乃是雲中仙山

僧獨知處相引衝碧煙斷崖晝昏黑槎枒橫隻

一作隻椽

面壁攀石稜峯力方敢前累歇日已沒始到茅堂邊見

客不問誰禮質無周旋醉卧枕欹樹

一作木

寒坐展青氍



折松掃蓆牀秋菓顏色鮮練蜜敲石炭洗澡乘瀑泉

一本

無此二句

白犬舐客衣驚走聞腥膻乃知軒冕徒寧比雲壑

眠

早上凌霄第六峰入紫谿禮白鶴觀祠

路轉第六峰傳是十里程放石試淺深硯壁虵鳥驚欲

下先褰衣路底

一作低

避枯莖迴途歇歇窟

一作崛

整帶重

冠纓及到紫石溪掩掩已天明漸近神仙居桂花濕溼

溼陰苔無人蹤時得白鶴翎忽然見朱樓象牌題玉京



沈沈五雲影香風散縈縈清齋上玉一作列上堂窗戶懸水

精青童撞一作搗金屑杵臼聲丁丁腥膻遙問誰稽首稱

姓名若容在溪口願乞殘雲英

山中訪道者

一作入白芝溪尋黃尊師

觸煙入溪口岼岼一作唯檉櫟其中盡一作飛碧流十里

不通屐出林山始轉一作未明絕一作細徑緣一作懸峭壁把

藤借行勢側足憑石脈巖一作顚牙斷行處光滑猿猴一作

猴跡忽然風景異乃到神仙宅天晴茅屋頭殘雲蒸氣



白隔窗梳髮聲久立聞吹笛

一作憤

抱琴出門來不顧

一作

是人間客山院不灑掃四時自虛寂落葉埋長松出地

纔數

一作滿

尺曾讀上清經

一作去

注長生籍願示不死

方何山有瓊液

### 寄盧儼員外秋衣詞

寄遠空以心心誠亦難知篋中有秋帛裁作遠客衣縫  
製雖女功尺度手自持容貌常目中長短不復疑斜縫  
密且堅遊客多塵縑意欲都無言澣濯耐歲時殷勤託



行人傳語慎勿遺別來年已老亦聞鬢成絲縱然更相逢握手唯是悲所寄莫復棄願見長相思

種樹

一樹新栽益四鄰野夫如到舊山春樹成多是人先老  
垂白看他攀折人

哭李暹

一作趙叔詩

驅馬街中哭送君靈車碾雪隔城聞唯有山僧與樵客  
共舁孤櫬入幽墳



古挽歌

雙轍出郭門綿綿東西道送死多於生幾人得終老見

此切肺肝

一作肝腸

不如

一作唯有

歸山好不聞哀哭聲默默安

懷抱時盡從物化

一作奄終

又免生憂擾

一作擣

世間壽者稀

盡為悲傷惱

一作早

送哭誰家車

一作郎

靈旛

一作車

紫帶長青童抱何物明月

與香囊

可惜羅衣色看昇入水泉莫愁埏道暗燒漆得千年

以上



二篇一本  
合作一首

陰

一作劫

風吹黃蒿挽歌度秋水車馬却歸城孤墳月明

一作明月  
裏

### 悼孩子

年長始一男心亦頗自娛生來歲未周奄然却歸無裸  
送不以衣瘞埋於中衢乳母抱出門所生亦隨呼嬰孩  
無哭儀禮經不可踰親戚相問時抑悲空歎吁襁褓在  
舊牀每見立踟躕靜思益傷情一作惜畏老為獨夫



別舊山

舊伴同遊盡却回雲中獨宿守花開自是去人身漸老  
暮山流水任東來

寄周惲

家在荒陂長似秋蓼花芹葉水蟲幽去年相伴尋山客  
明月今宵何處遊

野田行

一作李益詩

日暮出古城野田何茫茫寒狐上孤冢鬼獵一作火燒白



楊昔人未為泉下客若到此中還斷腸

塞上

一作曲  
出塞

行人朝走馬直走薊城傍  
薊城通漢北萬里別吳鄉  
海上一烽火沙中百戰場  
軍書發上郡春色度河陽  
嫋嫋漢宮柳青青胡地桑  
琵琶出塞曲橫笛斷君腸

襄陽寒食

一本此下有寄  
宇文藉五字

煙水初銷見萬家東風吹柳萬條斜  
大堤欲上誰相伴馬踏春泥半是花



汎舟入後谿

一作羊士諤詩

雨餘芳草淨沙塵  
水綠沙平一帶春  
唯有啼鵑似畱客  
桃花深處更無人



御定全唐詩卷三百十



欽定四庫全書

御定全唐詩卷三百十一

劉長川

劉長川肅代間詩人詩二首

寶劍篇

寶劍不可得相逢幾許難  
今朝一度見赤色照人寒  
匣裏星文動環邊月影殘  
自然神鬼伏無事莫空彈

將赴東都上李相公



四海兵初偃平津閣正開誰知大爐下還有不然灰

鄭常

鄭常肅代間人詩一卷今存三首

寄邢

一作常

逸人

羨君無外事日與世情違

一作稀

地僻人難到溪深鳥自

飛儒衣荷葉老野飯藥苗肥疇昔江湖

一作若問湖邊

意而

一作

如今憶共歸

送頭陀上人赴廬山寺



僧家無住著早晚出東林得一作行道非一作無真相頭陀

是苦心持齋山果熟倚錫野雲深溪寺誰相待香花與

梵音

謫居漢陽白沙口阻雨因題驛亭

漢陽無遠近

一作知近遠

見說過湓城雲雨經春客江山幾

日程終隨鷗鳥去祇待海潮生前路逢漁父多慚一作愁

問姓名

陳存



陳存大厯貞元間詩人詩六首

穆陵路

西遊匣長劒日暮湘楚間  
歇馬上秋草逢人問故關  
孤村綠塘水曠野白雲山  
方念此中去何時此路還

清溪館作

指途清溪裏左右唯深林  
雲蔽望鄉處雨愁為客心  
遇人多物役聽鳥時幽音  
何必滄浪水庶茲浣塵襟

寓居武丁館



暑雨飄

一作  
颭

已過涼颭觸幽衿  
虛館無喧塵綠槐  
多晝

陰俯視古苔積  
仰聆早蟬吟  
放卷一長想  
閉門千里心

楚州贈別周愿侍御

漂泊楚水來  
捨舟坐高館  
途窮在中路  
孤征暮前風  
雨一留宿  
關山去欲嬾  
淮南木葉飛  
夜聞廣陵散

送劉秀才南歸

一作劉  
復詩

鳥啼楊柳垂  
此別千萬里  
古路入商山  
春風去灞水  
停車落日在  
罷酒離人起  
蓬戶寄龍沙  
送歸情詎已



丹陽作

一作朱  
彬詩

暫入新豐市猶聞舊酒香  
抱琴沽一醉盡日卧垂楊

王觀

王觀大厯貞元間人或云太和時人詩一首

早行

雞唱催人起又生前去愁路  
明殘月在山露宿雲收村  
店煙火動漁家燈燭幽  
趨名與趨利行役幾時休

崔瓘



崔瓘字汝器博陵人累官至澧州刺史大厯中遷湖南  
觀察使為別將臧玠所害詩一首

贈營妓

詩話總龜云崔左轄瓘牧江外郎祖  
席夜闌一營妓先辭歸崔與詩曰

寒簷寂寂雨霏霏  
候館蕭條燭燼微  
只有今宵同此宴  
翠娥佯醉欲先歸

鄭審

鄭審繇之子乾元中袁州刺史大厯初祕書監出為江  
陵少尹詩一首



酒席賦得匏瓢

華閣與賢開仙瓢自遠來幽林嘗伴許陋巷亦隨回挂  
影憐紅壁傾心向綠杯何曾斟酌處不使玉山頽

奉使巡檢兩京路種果樹事畢入秦因詠

聖德周天壤韶華滿帝畿九重承渙汗千里樹芳菲陝  
塞餘陰薄關河舊色微發生和氣動封植衆心歸春露  
條應弱秋霜果定肥影移行子蓋香撲使臣衣入逕迷  
馳道分行接禁闌何當扈仙蹕攀折奉恩輝



朱彬

朱彬大厯貞元間詩人詩一首

丹陽作一作陳存詩

暫入新豐市猶聞舊酒香抱琴沽一醉盡日卧垂楊

李彥遠一作曄

李彥遠大厯貞元間詩人詩一首

採桑

採桑畏日高不待春眠足攀條有餘態那矜一作憐貌如



玉千金豈不贈五馬空躑躅何以變真性幽篁雪中綠

范元凱

范元凱內江人與兄崇凱俱有才名詩一首

章仇公

兼瓊

席上詠真珠姬

章仇公大厯中蜀州刺史

神女初離碧玉階彤雲猶擁牡丹鞋應知子建憐羅襪  
顧步裴回拾翠釵

御定全唐詩卷三百十一



欽定四庫全書

御定全唐詩卷三百十二

劉迥

劉迥字陽卿知幾子以剛直稱大厯初吉州刺史終諫議大夫給事中集五卷今存詩四首

爛柯山四首

按此詩見信安志爛柯山石刻並見者李幼卿李深謝勣羊滔薛戎

五人或一時同詠或先後繼唱皆列於後

白雲引策杖苔徑誰徃還漸見松樹偃時聞鳥聲閒豁



然喧氛盡獨對萬重山

最高頂

石橋架絕壑蒼翠橫鳥道憑檻雲脚下潁陽日猶蚤

裳倘一遇千載長不老

石橋

靈境偶一尋洞天碧雲上爛柯有遺跡羽客何由訪日

暮悵欲還晴煙滿千嶂

仙人碁

繩牀宴坐久石窟絕行跡能在人代中遂將人代隔白

雲風颺飛

一作孤峰上

非欲待歸客

石室二禪師

李幼卿



李幼卿字長夫隴西人大厯中以右庶子領滁州刺史  
滁州有庶子泉以幼卿得名詩五首

前年春與獨孤常州兄花時為別倏已三年矣

今鶯花又爾覩物增懷因之抒情聊以奉寄

時蒙

溪幽居在義  
興益增懷適

近日霜毛一番新別時芳草兩迴春不堪花落花開處  
況是江南江北人薄宦龍鍾心懶慢故山寥落水齋淪  
緣君愛我疵瑕少願竊仁風寄老身

紀事云幼卿有別  
業在常州義興曰



玉潭莊任滁州日以書托刺史獨孤及及為題玉潭云  
碧玉徒強名冰壺難比德唯當寂照心可並奔淪色幼  
卿所謂故山寥落水奔淪是也

遊爛柯山四首

拂霧理孤策薄霄眺層岑迴升煙霧外豁見天地心物  
象不可及遲回空詠吟

巨石何崔嵬橫橋架山頂傍通日月過仰望虹霓迴聖  
者開津梁誰能度茲巔

二仙自圍碁偶與樵夫會仙家異人代俄頃千年外笙



鶴何時還儀形尚相對

石室過雲外二僧儼禪寂不語對空山無心向來客作  
禮未及終忘循舊形跡

李深

李深字士達兵部郎中衢州刺史詩四首

遊爛柯山四首

尋源路不迷絕頂與雲齊坐引羣峰小平看萬木低雙  
林春色上正有子規啼



嵌空橫洞天磅礴倚崖巖宛如虹勢出可賞不可轉真  
興得津梁抽簪永游衍

羽客無姓名仙基但聞見行看負薪客坐使桑田變懷  
古正怡然前山早驚囀

稽首期發蒙吾師豈無說安禪即方丈演法皆寂滅鳴  
磬雨花香齋堂飯松屑

羊滔

羊滔泰山人大厯中宏詞及第詩四首



遊爛柯山

步登春巖裏更上最遠山  
聊見宇宙闊遂令身世閑  
清輝賞不盡高駕何時還

石梁聳千尺高盼出林  
巨壑躡丹虹排雲弄清影路

期訪道客遊行空井井

第二句  
缺一字

採薪窮冥搜深路轉清暎  
安知洞天裏偶坐得棋聖  
至今追靈跡可用陶靜性

沙門何處人攜手俱滅跡  
深入不動境乃知真圓寂  
有



時歸羅浮白日見飛錫

薛戎

薛戎字元夫河中人歷衢湖常三州刺史終浙東觀察使詩四首

遊爛柯山

登巖已寂歷絕頂更岑崑響像如天近窺臨與世遙悠然暢心目萬慮一時銷

聖遊本無跡留此示津梁架險知何適遺名但不亡只



今成佛宇化度果難量

二仙行自適日月徒遷徙不語寄手談無心引樵子蒙  
分一九藥相偶窮年祀

仙山習禪處了知通李釋昔作異時人今成相對寂便  
是不二門自生瞻仰意

謝勸

謝勸不知何許人詩四首

遊爛柯山



獨凌清景出下視衆山中雲日遙相對川原無不通自  
致高標末何心待馭風

宛演橫半規穹崇翠微上雲扃掩苔石千古無人賞寧  
知後賢心登此共來往

仙奕示樵夫能言忘歸路因看斧柯爛孫子髮已素孰  
云遺跡久舉意如旦暮

仙僧會真要應物常淵默惟將無住理轉與信人說月  
影清江中可觀不可得







御定全唐詩卷三百十二